



IOANNIS IACOBI  
ORGEATHI GALLICI

IN ALMO FERR. GIMNASIO

POLITIOREM HUMANITATEM

PROFITENTIS.

IN OBITU ALOYSII ATESTINI  
*Principis Illust.<sup>ri</sup> & S.R.E. Cardinalis Ampliss.*

O R A T I O.



FERRARIAE,

---

Apud Iulium Cæsarem Cagnacinum, & Fratres.

*De licentia Superiorum. 1587.*

7-10-68

1968



MO MO  
NOBIL·ET·ERV·DIT·VIRO·  
ET·PHILOSOPHO·INSIGNI

D. ANTONIO MONTECATINO,

SERENISS. ALFONSI FERRARIAE DVCIS  
INTIMO CONSILIARIO.

Ioannes Iacobus Orgeatius Gallus. S. P. D.

**N**ON te latet Excellentissime vir, altero ab hinc  
anno ALOYSIVM Atestinum Illustriß. Prin-  
cipem suis me tibi litteris non parùm commen-  
dasse, nec de me agere, nisi perfecta re conquie-  
uisse. Quod cum ita sit, quantis lachrymis,  
quantis suspirijs, quantis deniq; singultibus me illius obitum pro-  
sequutum fuisse credis? Quem quidem cum primùm intellexe-  
rim, præceps calamum, paginamq; arripui, funebremq; Ora-  
tionem, quæ tanti Principis de me optimè meriti laudes comple-  
cteretur componere non dubitavi. Idq; adeò magis, ut dolorem,  
quem animo acerbissimum conceperam extruderem, ne dicam  
lenirem, quàm unquam in lucem proferri existimarem. Sed po-  
steaquam complures homines ingenio, & eruditione florentes,  
mihiq; summa benevolentia coniuncti illam conspexerint me ve-  
hementer rogauerunt, & quasi impulerunt, ut illam per manus  
hominum volitare permitterem. Id itaq; feci, & in tuo nomine

libentius apparere volui, cùm te tanti Principis studiosissimum  
 fuisse certò scirem, tùm quòd ex tuis præclarissimis in Aristote-  
 lis libros de Anima commentarijs oratoriam facultatem admo-  
 dum tibi placere facìle cognouerim, præsertim cùm sine illis ora-  
 tor esse non possit. Quid? non ne causarum genera, quæ ora-  
 tor recipere debet, à tribus animæ partibus profisciscuntur? Ab  
 irascibili enim iudiciale nascitur. Qui enim accusat, ira compul-  
 sum esse quis ambigit? A concupiscibili verò deliberatiuum.  
 Qui enim aliqua de re consulat non ne cupiditate aliqua mo-  
 tus, quòd intendit suadet, vel dissuadet? A rationali deniq; de-  
 monstratiuum. Laudem enim omnem non te latet ab aliqua ra-  
 tione descendere. Tacebo ne alia quæ crudètissimè in Politicorum  
 Aristotelis libros cõmentaria scripsisti, in quibus tota Reipubli-  
 cæ administratio, quam Iurisperitentiæ finem esse volunt, consi-  
 sit? Quibus quidem tuis voluminibus eleganter, concinnèq;  
 scriptis cum plurimùm Italiam ne dum Ferrariam illustraueris,  
 nunquam terebor, quin laus tua longè, lateq; diffusa ad Gan-  
 gem fluuiorum maximum extendatur usq; quin etiam id qua-  
 lecunq; sit munus, meæ perpetuæ erga te obseruantia pignus. si  
 non mearum virium ratione, quas perexiguas esse fateor, saltem  
 rei magnitudine de qua agitur tibi non ingratum fore. Vale  
 vir optime, & tuum Orgeatium ita sustine, atq; defende, ut  
 Aloysius Illustrissimus Princeps suis litieris tibi commenda-  
 tum reliquit


Datum Ferrariæ Calen. Martij anno à Virginis partu  
 sesquimillesimo supra octuagesimum septimum.

# IOANNIS IACOBI ORGEATII GALLI

IN ALMO FERR. GYMNASIO POLICIOREM  
HUMANITATEM PROFITENTIS,

IN FUNERE ALOYSII ESTENSIS  
*Principis Illustriss. & S. R. E. Cardinalis Ampliss.*

## O R A T I O.

 I non dubitamus priuatos homines, qui præclara dum  
vixerent facinora gesserunt, diuinis post obitum laudibus  
affectos, olimque publica Oratione fuisse celebratos, ut  
suis cuique honos esset tributus, quem ciuilis vitæ finem  
plenique esse dixerunt, quantò magis Ferrarienses Amplissimi Principes,  
& Regia Familia editos commendari, & diuinitus ornari debere,  
omnibus est in confesso, à quibus non sine Dei providentia rerum hu-  
manarum gubernacula reguntur, populorumq; salus cum vitæ com-  
moditate curari solet? Hoc mehercule laudis genus non illis maximè  
debetur, quod post mortem plurimùm sit necessarium. Sed ut nostro  
dicendi munere fungamur, ne ingrati, ac tot beneficiorum erga nos  
collatorum immemores esse videamur, nec non alijs Principibus vi-  
tam uiuentibus vti calcaria adhibeamus, ut res præclare gerentes, cum  
è vita cesserint, eodem genere laudis, se dignos præstent. Qui præterea  
summos Principes commendant; Dei munus commendare quis am-  
bigit? qui cuncta bona nobis largitur, & à quo regnandi potestatem  
dari nemo est quin fateatur. A maioribus enim nostris traditum est,  
omnem principatum à Deo esse, & Principes Dei filios, & simulacra ap-  
pellari. Quamobrem cum Aloysij Atestini Principis Illustrissimi lau-  
dandi laborem susceperim, tamen dicendi facultatem modicam mihi  
in esse videam, illum tamen detrectare, & subterfugere non potui neq;  
debui, tum quòd talem Principem multis de causis laudandum optimè  
norim, tum quòd eo sum natus ingenio, vt illas tacere virtutes non  
possim, quæ nostro seculo gloriæ, & posteris exemplo esse solent. Si ve-  
rò ea, quæ dicenda essent verbis conplecti non potero, non tantùm in  
vires meas, quæ sunt sanè perexiguæ, sed etiam in maximam temporis  
angustiam transferendam esse culpam cogitate. Nec certè priusquam  
singulas

singulas quæ huic clementissimo Principi tribuendæ sunt virtutes ag-  
grediat, plurima, de Serenissimi Atestinorum Principum generis anti-  
quitate, & dignitate sunt mihi differendæ. Si enim omnia sigillatim  
enumerare vellem, totus quidem hic dies dicenti mihi non satis esset.  
Quis enim ambigit Atestinorum Principum familiam adeò præclaram  
semper extitisse, & à tot potentissimis Principibus, Regibus, Imperato-  
ribus, Romanisq; Pontificibus illustratam, vt ab hinc per multos annos  
nullæ poterunt scribi historiae, quin de præclarissimis illorum Princi-  
pum facinoribus facta sit mentio? Longa quidem narratione opus esset,  
ac historicum potius quàm oratorem agere viderer, si quæ de Hercule  
(ne rem longius repetam) in lucem proferenda essent, & iam pridem  
litteris sunt commendata, enarrarem. Ille namq; tot ægregias virtutes,  
totq; singulares animi dotes per totum vitæ curriculum omnibus pate-  
fecit, quot alij nunquam Principes in laude versati, & summa gloria  
florentes præ se tulerunt. Quis illius incredibilem benignitatem per-  
petuoq; prædicandam in eius populum Ferrariensem verbis expreme-  
re vnquam posset, qui cuncta se libenter facturum non recusabat, quæ  
Ciuiibus suis iucunda, & grata esse perspiciebat? Hic magnus ille Prin-  
ceps, qui Serenissimam Renatam Valesiam Ludouici Duodecimi Chri-  
stianissimi Gallorum Regis filiam, vxorem duxit, regis quidem mori-  
bus, & disciplinis ita decoratam, vt ad tanti nominis gloriam, dignita-  
tem, amplitudinem, & honorem acquirendum nihil præterea esset re-  
quirendum. Hæc Annam Atestinam Guisæ Ducem Serenissimam, quæ  
semper pietate Deum sibi conciliat, libertate Gallos, doctrina doctissi-  
mos, bonitate suos, clementia vniuersos. Galliarum Regio si tales Prin-  
cipes procrearet, & efficeret, non ne mater beata, non ne felix esset ap-  
pellanda? Non dicam hoc loco Auditores prudentissimi, talem Prin-  
cipem argumentandi acumine, respondendi prudentia, interpretandi  
scientia plurimum valuisse. Hæc Serenissimam Lucretiam Atestinam  
Vrbini Ducem sapientissimam, quæ splendore vocis, maiestate vultus,  
venustate pronuntiationis præstans est, quæ corporis dignitate, oratio-  
nis grauitate præpotens. Hæc Leonoram Illustrissimam Principem, quæ  
virgo animam egit. Fuit virgo mansueta, fuit salutaris, fuit Princeps  
liberalis. Beati Ciues, qui eius liberalitatem experiebantur. Beatæ Res-  
publicæ, quæ eius maiestate fruebantur, ualuit hæc sapientia, ualuit pru-  
dentia, ualuit doctrina, floruit eloquentia, floruit animi altitudine, flo-  
ruit administratione propè diuina. Hæc ALFONSVS Serenissimus  
Principem Ferrariæ Ducem, cuius nomen ita longè lateq; vagatum est  
per terrarum orbem, vt sedem stabilem, domicilium certum non ha-  
beat. Quis obsecro tanti Principis nomen aliquando non audiuit? Quis



animi magnitudinem non est admiratus? Quis illius facta propè diuina non laudabit? Quæ priuata domus, quæ publica, quæ sacra religio illius aspectu vel mœstissima non lætabitur? Quæ Ciuitas, quæ Provincia, quæ Regio illius Oratione vel afflicta non recreabitur? Hic summo, & regio genere, tum altissimo animo natus, cum sit ad omnes virtutes magnus. & excelsus, omni scientiarum genere est cumulatus, in bellis inuictissimus, in concionibus venustissimus, in explicandis Principum, Regum, Imperatorum, & summorum Pontificum negotijs disertissimus. Hæc deniq; ALOYSIVM Atestinum Principem Illustrissimum & S. R. E. Cardinalem Amplissimum ex Hercule, procreauit, cuius hac tempestate obitum non mediocriter deploramus, & cuius ad laudes pro ingenij mei viribus celebrandas omnis hic meus pertinet sermo. Si cunctos enim Atestinæ familiæ Principes recensere velim, longo verborum circuitu vti necesse haberem, meaqué non breui oratione vobis maximam afferrem molestiam. Quis enim nescit omnes Atestinos Principes omni virtutum genere excellentes? Sed nihil est in terrarum orbe, quod diu possit permanere. Cuncta profluunt, omnisque rerum facies ætate procedente mutatur. Accepistis Amplissimi Ferrarienses Ægyptios olim fortunatos. Accepistis Assyrios, Medos, atque Persas florentissimos. Accepistis denique Græcos Asiæ Regnum occupasse. Sed quis eorum nunc est status? Corruit tandem latissimum Romanorum Imperium; quod nobis satis argumento esse potest, nullam perpetuam esse potentiam, nullamque sælicitatem magnopere diuturnam. Sed Atestinorum fortuna non est sanè deploranda. Viuit enim feliciter Serenissimus, & inuictissimus Alfonsus, qui non solum Atestinorum Principum decus tueitur: Sed vniuersæ Italiæ ornamentum sustinet, & cuius laudes in aliud mihi tempus differuntur: cum necesse habeam in Aloysium carissimum illius fratrem orationem conuertere. Hunc enim iure optimo summis potissimum laudibus mihi honestandum proposui. Fuit verò hic præter paterni maternique generis uenustissimam formam, corpore adeò pulchro adeoque uenusto, ut qui eum conspicerentur, verè dignum imperio iudicarent. Habebat enim aptam membrorum compositionem, cum quadam coloris suauitate, talemque præ se ferebat formam, ut vnusquisque ex ea reconditos cognosceret mores. Quis enim nescit tacitam corporis figuram coniecturam afferre, ipsumque animum sæpius indicare, varijs etiam virtutum generibus enitescere? Quibus iam inde à pueritia naturæ impulsu se addixit, ut ad Deo Opt. Max. inferuiendum natus videretur. Unde probitatem annis maturiorem cunctis penitus admirantibus patefecit. Nihil efficere, nihilque funditus enarrare audebat, quod vere-

cunda

cundæ ætati, regijsque moribus instituendæ non conueniret, & sua sponte ad ea propensus ferebatur, ad quæ sagax & sedulus præceptor, vt suo munere fungeretur hortari solebat. Crescebat illis ætas, crescebat pudor, & honestatis amor. Quæ omnia cum Paulus quartus Romanus Pontifex probè norit, illum Ferrariæ Episcopatus dignitate decorauit, Pius deinde quartus ad purpuratorum patrum Amplissimorum Cardinalium Collegium erexit. Qua in dignitate constitutus (ut religiosum Principem decet) singulari beneuolentia omnes semper complexus est. Non enim dubitabat cunctos Cardinales hominum piscatores esse, sicque à Deo arctissimis vinculis astrictos, atque deuinctos, ut sine magno nefario scelere dissolui non possint. Tantum voluptatis, & dignitatis nonnunquam capere solebat, quantum personæ decorum pariebatur, ratioque ipsa postulabat. Nunquam se alijs præferebat, sed eos solitus erat despiciere, qui se clavis parentibus ortos insolenter ostentabant, & omnium ferè laborem detrectantes, domi inertem vitam agebant. Ab adolescentia semper fuit amicis carissimus, Regibus acceptissimus, diuitijs semper floruit, & ætate prouectus magis ac magis exuberauit, quibus tot clientelas, & amicitias sibi comparauit, ut quodcumque se reciperet maxima clarissimorum hominum turba stipatus esset. Deinde cum virtute sua non tantum in Italia: Sed etiam in Gallia, totoque terrarum orbe (vt postea dicemus) fortunam amplificasset, tantam existimationem, tantamque auctoritatem est consequutus, ut quæcumque ceteri Principes summo conatu tentarent, solo nutu perficeret, quem non tantum Itali, & Galli: Sed etiam Hispani, atque Germani obseruabant, colebant, & admirabantur, & cui SIXTUS Quintus Dei voluntate Pontifex Maximus tantam fidem semper habuit, quantam alijs Principibus ferè nunquam habuisse dicatur. Nihil enim in antiquis Principibus fuit, quod in Aloysio Atestino Cardinali benignissimo uerè, & sine furo non fuerit. Ea enim prudentia præditus erat, ut quæ futura essent multò ante conijceret, & cum inter homines orta seditio esset, tanta cum arte, & dicendi facultate, cunctorum animos permulcebat, & in ueterem gratiam reducebat, ut alter alterum sine ulla simularis suspitione deoscularetur. Ita hic solers & prouidus Princeps cuncta coniectura præuidebat, & ex aspectu hominum ingenia, in quibus complures non desunt latebræ, cognosceret. Hic mihi uisus est is, qui non humano: Sed diuino ingenio præditus quicquid tentaret nauter exequeretur. Cum domi uersabatur, omnia quæ ad concordiam, & animorum coniunctionem pertinebant, prudenter meditabatur, priuatorum inimicitias exinguebat, populi tumultum sedabat, honorem omnium, & dignitatem extrenuè defendebat. Tantam denique

non ſolùm Italorùm, & Gallorùm: Sed etiam cuiuſcunq; orbis terrarum nationis Principum beneuolentiam de uno quoque benemeritis conciliauit, ut non minorem Italis, quàm Gallis, quorum ſemper acerrimus fuit defenſor, mœrorem attulerit. Sux tantùm uitæ conſulere non ſtudebat: Sed poſteritatis etiam non mediocrem rationem habebat. O Venerandum Aloyſium ſumma cum dignitate, ſummeque cum honore ſemper nominandum. Quis enim tempet maximorum Principum copiam domi ſecum habuit? Aloyſius. Quis litteratorum hominum multitudinem tanquam alter Mœcenas recepit? Aloyſius. Quis in homines iucundiſſimam conſuetudinem habuit? Aloyſius. Quis in peregrinos ingentem hoſpitalitatem tenuit? Aloyſius. Quis beneuolentiam in Ciues oſtendit? Aloyſius. Quis miſericordiam in pauperes patefecit? Aloyſius. Quis pietatem in Deum? Aloyſius. Quis religionem in ſanctos demonſtrauit? Aloyſius. Tante itaque illius in omnes ſunt ſingulares uirtutes, quæ me proſectò uirum doctrina cultiorem, arteque dicendi longè præſtantiorem poſtularent. Quis de tanti Principis præclaris uirtutibus præter Philoſophum doctè, & eruditè diſſerere poſſet? Quis de ijs præter oratorem perornatè, & eleganter dicere? Quis in eloquentia, quæ aliud nihil eſt, quàm copioſè loquens ſapientia, tanto cum Principe conferri poterat? Quis illius in quotidianis ſermonibus uerborum granditatem, ſplendorem, & maieltatem non admirabatur? Quis non exiſtimabat grauiſſimas illius ſententias, acutas, crebras, ex abſcindo erutas, non è medio ſumptas diuinitus, & non humanitus excogitatas? Quis Aloyſij numeros non laudabat? Quis artiſcioſam conſuſionem non cõmmendabat? Quò uolebat auditores rapiebat, iure ſuo eoſdem fleſcebat, cadentes erigebat, erectos proſternebat, modò triſtes, modò iucundos efficiebat. Iactaſſent Græci Lyſiam, Hyperidem, Demadem, Æſchinem, atque Demoſthenem, nihil illis, ſolo Aloyſio, contenti, inuidebamus. Si enim dicendi copiam, ſi amplificationem ſine qua eloquentia nulla eſt, ſi colores, ſi figuras, ſi pigmenta, ceteraque orationis ornamenta perquirebatis, nemo certe erat, qui Aloyſio præſtare potuiſſet. Quis facilius in animos irrepiebat? Quis maiori dicendi artiſcio hominum cætu tenebat? Quis denique concinnius uerborum lepores alligabat, ut aurium uoluptati oratio morigerari potuiſſet? Deſinite quæſto obſtupeſcere o iuuenes, deſinite inquam. Plus enim ualebat Aloyſius, quàm humanum conſiliũ ualeat. Plus efficiebat Aloyſius, quàm humanæ uires non efficiunt. Vna enim tantùm oratione id agebat, quod potentiffimi Reges magno qui dem exercitu agere non poterant. Quis o Gallia amantiſſima tui populi ſurorem ſedabat? Quis tui Regni Principes concordem conſeruauit.

bat? Quis quæ tibi erant utilia, pulchra, honesta suadebat? Quis tuis rebus afflictis, & penitus lapsis moderabatur? Quid plura Ferratienses ornatisimi? Dum enim omnia quæ Aloysius præclarissimè gessit memoria repeto, ingenij mei vires mihi deficere sentio, & rerum multitudine obruor. Quamvis erat iustitiæ & æquitatis cultor? Hic acri iudicio omnia perpendebat, nihilque præter legis scriptum agere audebat, & quamvis plura iure suo sibi tribuere poterat, nunquam tamen rationis lineam transiliebat. Probos præmijs afficiebat, & honoribus (vt verum Principem decet) decorabat. Improbos impunitos abire non sinebat, eo tamen cum temperamento, vt æquitatem in oculis ferendam putaret. Sed vt quàm bene, quàmque laudabiliter domi forisque se gesset non taceam, non ne Aloysium tanquam numen Romani uenerabantur? Non ne Aloysius totum terrarum orbem hospitio libentissimè suscipiebat, suæque suavi dapnilitate urbem Romam gentium dominam sic emendauit, ut semper suæ probitatis vestigia remaneant, & tanti Principis largitionem redoleant? Quot Viduas suo præsidio tutatus est? Quot pauperes qui à diuitibus præmebantur subleuauit? Hic verè fuit Aristides cognomine iustus. Hic pietatis obseruantissimus. Hic quotidie rem diuinam attentis auribus percipiebat. Hic res diuinas protegebat. Hic mendicos, qui in urbem confluunt inanes nunquam dimittebat. Nemini horrea, Nemini eius domicilium claudi inebat. Quid de illius animi magnitudine, & constantia dicendum? Hic annos complures in purpuratorum patrum dignitate religiosissimè uixit. In summorum Pontificum, aliorumque Principum gerendis negotijs nullum periculum, nullamque animi solitudinem extimuit, nec recusauit. Labori deditus. Somno parùm indulgens. Tempore antelucano surgebat. Stationes quocunque tempore visebat. Brumale frigus, æstiuumque calorem contemnebat, & quamvis corporis ualitudine iam opprimeretur, animi tamen virtute tanquam alter Cato, omnia, quæ iuuenes audebant, de se pollicebatur. Quam fortis, & magnanimus, fuerit extremo suæ uitæ die demonstrauit, qui cùm Christianissimi Gallorum Regis, legatum, permultosque alios suæ familiæ non obscuro loco natos miserabiliter flentes aspexisset, cur (inquit) ploratis? Non ne debemur morti omnes? Quis uel si maxima floreret eloquentia pro dignitate exprimere posset, quantum sibi ab omnibus uoluptatibus temperarit, quæ frequenter mortales præcipientes agunt, & honesti, decorique immemores reddunt? A' teneris (vt Græci dicunt) unguiculis probitatem sanctissimè coluit, & domitas cupiditates habuit. Nunquam nimio diuitiarum desiderio flagrauit, quod omne flagitiorum genus comperit. Nunquam odio, quod totum animum non mediocriter

perturbat, deditus fuit. Nunquam iræ succubuit, quæ omnem rationem auferre solet. Si quando irascebatur penitentiorem in domi partem ingrediebatur, composito demum animo hominum sibi subiectorum errores conspiciebat, eisq̃ue ignoscebat. Gulæ nunquam fuit deditus, nunquam nimix portioni. Magistram rerum omnium moderationem habuit. Viuebat eleganter, & cum amicis opiparè conuiuari solebat, & quanuis in alto dignitatis, rerumq̃ gradu à natura, fortitudine, & virtute collocatus esset, non plus tamen quàm ratio sibi patiebatur, vindicabat, & crebrò de sua auctoritate aliquid remittabat. Cum inferioribus enim æquis passibus deambulabat. Famulos vel si abiectiores essent, comiter alloquebatur, hilari vultu aspiciebat, & omnia quæ possunt optimo in Principe desiderati, tantus Princeps hic habuit, reque ipsa demonstrauit scientiam scilicet Reip. capescendę virtutem, auctoritatem, & felicitatem. Quis enim in prouidendo sagacior? Quis iustior, & æquior? Quis maiorem in gerendis negotijs laborem sustinuit? Quis in periculis fortior? Quis in agendo magis industrius? Quis in conficiendo maturior? Tanta hoc in Principe uno animi, & corporis ornamenta perspeximus, quanta in alijs Principibus vnquam ueruerunt. Præterea quæ par oratio inueniri potest? Si enim liberalitatem, si fidem, si comitatem, si mansuetudinem, si affabilitatem, si denique misericordiam ullo in loco inuenire potuissetis, in eo facile erat reperire. Quam ciemens, & benefactorum memor fuerit agens animam indicauit, qui Christianissimi Gallorum Regis legatum ad se uocauit, eumq̃ue uehementer precatus est, vt Serenissimo Alfonso fratri, & hæredi suo Cæsari Atestino Illustrissimi Principis Alfonsi filio summa fide, summa pietate, summa denique religione insignito, & quem maximis virtutibus & omni genere laudis ornatissimum esse non ignoramus significaret, eos qui suam operam per aliquot annos præstitissent, ac fide liter seruauissent aut domi esse retinendos, & benignissimè tractandas, aut honestis præmijs remunerandos. Quid plura? Hic mihi uerè diuinitatis particeps uisus est, qui horam prædixit, quæ è vita cessurus esset, & omnia quæ suo cadaveri necessaria essent parari iussit. Hunc itaq̃ ornatissimi Ferrarienses deplorare, hunc prosequi lachrymis debemus. Amisimus enim amicorum propugnatorum, amissimus vnicum virtutis, bonorumq̃ue omnium exemplum. Suspirare, lamentari, & genere omnes Christiani deberent, qui tanti Principis consilio, ope, & prudentia non solum Turcharum furores paruifacere poterant. Sed etiam nefandos Hæreticos euertere, & ad extremum exitium extrudere poterant. Intimis sensibus angī summus Pontifex, purpuratorumq̃ue patrum Amplissimum Collegium deberent, qui talem virtute præditum

12. *Oratio in Funere Illust. Princip. Aloysii Card. Esten.*

Principem amiserunt, qui omnium aliorum sapientissimus extitit, & in totius Christianæ Reipublicæ administratione iure optimo principem locum tenuit. Sed quoniam Aloysius humanissimus Princeps homo erat, & tandem inreriturus, dolori moderandum, & lachrymis parcendum esse censeo. Præsertim cùm mors illi nihil obesse potuerit, qui quanuis octauum supra quadragesimum tantùm annum egerit, eam tamen rebus suis præclarissimè gestis, gloriam est adeptus, quæ nullo sanè tempore dirimi poterit, & cùm tot virtutum præsidio septus nihil mali egerit, ad Cælum procul dubio ascendit, unde rerum humanarum uicissitudinem despicit, & vnà cum electis lætitia exultans auo sæmpiterno perfruitur.

D I X I.



